

## Unentschieden gegen Ried

Text + Musik: Nino Mandl

Heast spü eam, gib eam  
Und renn a bissl schneller mitn Boin  
Wo hostn du kicken glernt  
Wann ned amoi der Boin pickn bleibt  
Heast pass, schau auf  
Da Stürmer steht do frei wie a Vogerl  
Euch zuaschaun is a Graus  
Friar do hots no Leit gem, wie in Ogerl

Owa jetz hob i gnua  
Owa jetz hob i gnua  
Von dem Eierkick  
Da geh i lieber ind Natur  
Und schau den Bladln beim wehn zua  
Ois dass i ma so an Kick gib  
Unentschieden gegen Ried

Heast moch, wos tuast  
Verdienst jo eh vü mehr ois wir do  
Is dir des vielleicht wurscht?  
Dann wechsel halt ind Wiener Liga  
Heast schiass, probier's  
Da Goalie is doch nur 1,40  
Wehe es verlierts  
Friar hobts es no Ajax eliminiert

Owa jetz hob i gnua  
Owa jetz hob i gnua  
Von dem Eierkick  
Do schau i lieber Premier League  
Liverpool gegen United  
Ois dass i ma so an Kick gib  
Unentschieden gegen Ried

Heast spü eam und renn  
Sads ned solche Owezahra  
Kämpfts für eichare Fans  
Friar do hots no Leut gem wie in Kurtl Jara  
Heast redts jetz ned von Pech  
Do hat mei Käfigkickerl mehr Grandezza  
I geh auf jedes Match  
Und schrei damit's es rennts und nix wird besser

Owa jetz hob i gnua  
Owa jetz hob i gnua  
Von dem Eierkick  
Do bleib i lieber zHaus und sauf  
Und nimm im Fernsehen a Quiz Show auf  
Ois dass i ma so an Kick gib  
Unentschieden gegen Ried